



Tafsiira Suuratu Yuusuf-Kutaa 27

Description

Guyyaa guyyaan dachii keessa asi achi ni deemna. Guyyama tokko gadi dhaabbannee wantoota dachii fi samii keessa jiranitti xinxallinee beeknaa? Baayâ€™isnee waan arginuuf xiyyeeffannoo itti hin kenninu. Yookiin jireenya addunyaa tanaan waan koâ€™oomneef yaanni keenya kana quba hin qabu. Qurâ€™aanni haguuggi keenya ofirraa kaasun wantoota samii fi dachii keessa jiran kanniinitti akka xinxallinu nu affeera:

﴿وَكَايْنِ مِّنْ ءَايَةٍ فِي السَّمَوَاتِ وَالْأَرْضِ يَمُرُّونَ عَلَيْهَا وَهُمْ عَنْهَا مُعْرِضُونَ﴾
 ﴿وَمَا يُؤْمِنُ أَكْثَرُهُمْ بِاللَّهِ إِلَّا وَهُمْ مُّشْرِكُونَ﴾

â€œSamiwwanii fi dachii keessatti mallattoo meeqa irraa kan garagalan taâ€™anii ishii irra darbuu. Irra hedduun isaanii mushrikoota taâ€™anii malee Rabbiitti hin amanan.â€• Suuratu Yuusuf 12:105-106


Aayata jechuun mallattoo wanti tokko akka jiruu agarsiisuudha. Aayaanni bakka lama gurguddaatti qoodamu. Isaaniis: aayata dubbii fi aayata gochaa. Kitaabban Rabbii oltaâ€™maa irraa buâ€™anii fi kitaabni xumuraa buufame Qurâ€™aanni aayata dubbitiin kan guuttamaniidha. Kitaabban kunniin gara jiraachu fi tokkichummaa Rabbii akeeku. Samiin, dachii fi wantoonni isaan lamaan keessa jiran immoo aayata gochaa gara jiraachu, tokkichummaa fi dandeetti Rabbii oltaâ€™maa akeekaniidha. Copha bishaanii garmalee xiqqaa taâ€™me irraa ilma namaa guutuu taâ€™me kana uumun, galaana irraa bishaan hurkisiisuun biyyeetti rooba buusun, beelladonni, allaattiwwan, qurxumileenii fi biqiltoonni bifaa fi amala baayâ€™ee garagaraa qaban Khaaliqa tokkoon akka uumaman mallattoolee agarsiisaniidha. Kunniin hundi nama dandeetti yaaduu fi hubachuu qabuuf dhiyeefaman. Ilmaan namaa beekumsa, yaadaa fi gocha isaanii keessatti yeroo hundaa wantoota kanniin waliin kan oolaniidha. Uumamtoota kanniinitti xinxallanii Khaaliqa isaanii beekun isaan irra osoo jiru, faallaa kanaa, tafakkura (itti xinxallu) irraa fuula garagalchuun barnoota fi gorsa barbaachisu irraa hin fudhatan. Buâ€™aan kanaas, akkaata Rabbiin

barbaadu fi itti gammaduun amanuu dhiisudha. Amanuu (iimaana) isaanitti shirkii maku.[\[1\]](#)

â€œ**Irira hedduun isaanii mushrikoota taâ€™anii malee Rabbiitti hin amanan.**â€• (Mushrikoota jechuun namoota shirkii hojjataniidha, jecha biraatin Rabbiin waliin waan biraa gabbaraniidha.) Namoonni kunniin samii, dachii fi wantoota isaan keessa jiran kan uumee Rabbiin taâ€™uu haa amananii malee, Rabbiin alatti wanta biraa gabbaru (waaqefatu). Qureeshonni Rabbiin samii fi dachii akka uumee fi humna jabaa akka qabu ni amanuu turan, garuu kuni Muslima isaan hin taasisne. Sababni isaas, isaan kanarratti dabalatee sanamoota Rabbiif shariika godhanitti ni amanu. Gooftoleen sobaa Rabbiin waliin qoodama aango qabu jechuun yaadun isaanii Rabbiitti amanuu isaanii haaqe. (Akkuma kana kiristaanonni nuti Rabbii tokkichatti amanna jedhan, Iisaan (Iyyasuus) Rabbiin waliin gooftaa jedhanii waan yaadaniif amantiin isaanii kuni soba taâ€™a.) Rabbiin, Gooftaan keenya dhugaan, amanti isaanii kanaan shirkii jedheen.

As keessa Muslimonni amanti isaanii akka qulqulleessanii fi shirkii irraa qulqullaaâ€™aniif isaan yaadachiisutu jira. Qabeenya, aangoo fi beekkamti akka hin gabbarreef akeekachiisatu kana keessa jira. Aadaa zamanaa kana keessatti, akka waan gooftota taâ€™anitti namoota weellistoota, aaktarootaa fi artistoota sanamoota godhan ni argina. Aayan tuni wanta biraa Rabbiif shariika gochuun iimaana zeeroo akka taasisu nu barsiisti.[\[2\]](#)

Iimaanni fi qajeelchi nama tokkoo jireenya tana keessatti dhimma garmalee jabaa (siiriyes) taâ€™eedha. Dhimma kana keessatti wanti xiqqoon dhiisanii fi dogongoran, halaaka (badiinsa) jireenya abadiitti nama geessa. Kanaafu, adabbiin Rabbii buâ€™uu yookiin Qiyaamaan dhaabbachuun dura akkaataa barbaadamuun Rabbiitti amanuu fi gabbaruun dirqama.[\[3\]](#)




â€œ**Adabbii Rabbii irraa haguuggin isaanitti dhufuu yookiin osoo isaan hin beekne Qiyaamaan tasa isaanitti dhufuu irraa ni tasgabbaa**â€•u?â€• Suuratu Yuusuf 12:107

Ghaashiyah jechuun wanta nama haguugudha. Wanti asitti barbaadame adabbii gara hundaan namoota haguugu fi marsuudha. Haala gaafitiin dhiyeessun kuni isaan waqqasuufi.

Sila namoonni jallatan kunniin Gooftaa isaanii irraa adabbiin gara hundaan isaan haguugu fi jalaa dheessu hin dandeenyee isaanitti dhufuu ykn osoo isaan hin beekin Qiyaamaan tasa isaanitti dhufuu irraa nagaha akka taâ€™anitti ni yaadu? Jecha biraatin, sababa badii isaanii itti fufaniif, â€ˆRabbiin irraa adabbiin nutti dhufuu dandaâ€™aâ€™ jedhanii hin sodaatanii?[\[4\]](#)

Namni badii hojjatu â€ˆadabbiin Rabbii natti hin buâ€™uâ€™ jechuun yoo of amane, badii hojjachuu itti fufa, tawbachuuf fedhii hin qabu. Faallaa kanaa, namni adabbii Rabbii sodaatu, dafee badii isaa irraa buqqaâ€™e tawbata.

Kuni Karaa Kiyya Qajeelaadha



Jedhi â€™kuni karaa kiyya, anaa fi kan na hordofe beekkumsa ifaatiin gara Rabbii waama. Rabbiin qulqullaaâ€™e, ani mushrikoota irraayyi miti.â€™ [Suuratu Yuusuf 12:108]

Ergamaan Rabbii (S.A.W) akkana akka jedhu ajajame: **kuni karaa kiyya, beekkumsa ifaatiin gara Rabbii waamaâ€™**,â€™ Karaan Nabiyyii (S.A.W) karaa Rabbiitti nama geessudha. Karaan kunis Islaama. Islaamni karaa qajeelaa tokkicha Rabbiitti nama geessudha. Mee ilaali, Rabbiin jecha tokkeetti (singularâ€™tti) fayyadamuun â€œ**karaa kiyya (sabiilii)**â€• jedhe. â€œKaraalee kiyyaâ€• hin jenne. Suurah Faatiha keessatti, â€œKaraa qajeelatti nu qajeelchiâ€• jechuun dubbisna. Kanaafu, karaan Rabbii tokkicha. Gaafa tokko Nabiyyiin keenya (S.A.W) biyyee irratti sarara qajeelaa sarare. Ergasii ni jedhe: â€œKuni karaa Rabbiiti.â€• San booda bitaa mirgatti sararoota baayâ€™ee sarare. Itti aanse ni jedhe: â€œKun karaaleedha. Karaa hundarra shayxaana itti waamutu jira.â€• San booda aayah tana qaraâ€™e: â€œ**Kuni karaa Kiyya qajeelaa taâ€™eedha, kanaafu isa hordofaa. Karaalee biroo hin hordofinaa karaa Isaatirraa isin fottoqsuuti.â€•** (Suuratu Al-Anâ€™aam 6:153)[5]

Kuni karaan Rabbii qajeelaa fi tokkicha akka taâ€™e nutti agarsiisa. Wanta karaa qajeelaa kana faallesuu hunda, Qurâ€™aanni jecha heddumminna agarsiisuun (pluralâ€™in) ibsa. Fakkeenyaaf, â€œ**Rabbiin waliyyi warra amananiiti. Dukkana baayâ€™ee keessaa gara ifaatti isaan baasa.â€•** (Suuratu Al-Baqarah 2:257) Haqni takkattiidha, sobni immoo baayâ€™eedha.

Basiirah jechuun beekkumsa ifa taâ€™ee fi ragaa qabatamadha. Jechi basiirah jedhu jecha basara jedhu irraa dhufe. Basara jechuun arguudha. *Akkuma namni ijaan waa arguuf ifa aduu ykn ifa elektrikii isa barbaachisu, namni amanti isaa keessatti dhugaa fi soba addaan baafachuuf beekkumsa sirrii fi ragaa qabatamaa isa barbaachisa.* Beekkumsa sirrii fi ragaa qabatamaa kanaan basiirah jennaan. Kanaafu, mataa ofiiti karaa qajeelaa irra deemu fi namoota biroo karaa kanatti waamuuf beekkumsa sirrii fi ragaa qabatamaa barbaachisa. Kanaafi itti aanse ni jedha: **â€œanaa fi kan na hordofe beekkumsa ifaatiin gara Rabbii waama.â€•** Kana jechuun ani beekkumsa sirrii Rabbiin irraa dhufeen gara Isa qofa gabbaru fi ajajoota Isaa hordofuutti namoota waama. Namoonni ana hordofanis beekkumsa sirrii Rabbiin irraa dhufeen gara Isaatti namoota waamu. Kuni Muslimoonni gara Rabbiitti waamu (daâ€™awaa gochuu) keessatti beekkumsa sirrii irra taâ€™uu akka qaban dirqisiisa. Haqa Rabbii sobaan, jallinnaa fi fakkeessaan gargaaruun isaanii hin hayyamamu.

â€œRabbiin qulqullaaâ€™e, ani mushrikoota irraayyi miti.â€•

Wiirtuun daâ€™awaa kanaa Rabbiin wanta Isaaf hin mallee irraa qulqulleessuu fi Isa qofa gabbaruudha. Kanaafu, ani wanta Rabbiif hin mallee irraa Isa qulqulleessa. Kan akka ilma qabaachu, shariika (hiriyyaa fi hirmaataa) qabaachu, muguu fi hanqinnoota biroo. Rabbiin kanniin hundarraa qulqullaaâ€™e. Ani

warra Rabbiin waliin waan biraa gabbaran (waaqefatan) irraayyi miti.

Guduunfaa

~Rabbiin subhaanahu wa ta~TMaalaa akka namoonni sifaata (amaloota) Isaa beekanii Isa qofa gabbaraniif aayaata lama gurguddoo ilma namaa fuundura godhe. Isaaniis, kitaabban Ergamtoota irratti buusee fi uumamtoota Isaati. Kitaabban Rabbiin buuse tokkichummaa, sifaataa Isaa, ajajoota, mindaa fi adabbii Isaa ibsu. Uumamtoonni Isaas gara tokkichummaa, dandeetti, rahmata, beekumsaa fi amaloota Isaa biroo ibsu. Kanaafu, namni aayaata lamaan kanniinitti xinxaalluun Gooftaa isaa beekun Isa qofa gabbaru danda~TMa.

~Mallattooleen baay~TMeen samii fi dachii keessa haa guutanii malee harki caalaan namootaa haala sirrii fi guutuu ta~TMeen Gooftaa isaaniitti hin amanan. Kana irra, shariika Isaaf godhu.

~Amantiin Islaamaa amantii sirrii fi qajeelaa waan ta~TMeef tilmaamaa fi yaada sobaa irratti osoo hin ta~TMin beekumsa sirrii fi ragaa qabatamaa irratti kan hundaa~TMeedha. Kanaafu, namni amanti qajeelaa kana hordofuuf beekumsa sirrii argachuuf tattaafachuun isarra jira. Akkasumas, namni tokko gara Islaamaatti namoota waamuuf beekumsa sirrii qabaachun isarratti dirqama.

[1] <https://www.kuranvemeali.com/yusuf-suresi/105-ayeti-tefsiri> [2] Lessons from Suurah Yuusuf-Yaasir Qaadi-fuula 163 [3] <https://www.kuranvemeali.com/yusuf-suresi/105-ayeti-tefsiri> [4] Ma~TMaariju tafakkur 10/753 [5] Sunan Ad-Daraami 1/78, Musnad Ahmad 4142, An-Nasaa~TMi 11109)

Date Created

April 3, 2022

Author

admin